

الفارق بين اسم الله : الواحد و الأحد و الصمد | #خطبة_جمعة |

د . حازم شومان

حازم شومان

ان الحمد لله نحمده ونستعين به ونستغديه ونستغفره ونعوذ بسم الله من شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد له له هادي مرشدا. يا ايها الذين امنوا اتقوا الله حق تقاته. ولا تموتن الا وانتم مسلمون - [00:00:01](#)

يا ايها الناس اتقوا ربكم الذي خلقكم من نفس واحدة. وخلق منها زوجها وبث منهما رجالا كثيرا ونساء واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم - [00:00:31](#)

يصلح لكم اعمالكم. ويغفر لكم ذنوبكم. ومن يطع الله ورسوله فقد فاز ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذرية وال بيته انك حميد مجيد. اما بعد اخواني واحبابي في الله نتدبر في سطر من كتاب الله - [00:01:01](#)

سطر من كتاب الله يعني اقل واحد فينا قرأه الاف المرات طول حياته. بنقرأه في كل ركعة وفي كل صلاة. وبنسمعه دائما ولكن عمل ايه في حياتنا وغير ايه في حياتنا؟ في حين ان هو غير في حياة الصحابة تغيير جبار. نتدبر فيه قل هو الله احد - [00:01:31](#)

الله الصمد. نتدبر في سطر واحد. الرسول عليه الصلاة والسلام قال للصحابة احشدوا فاني ساقرا عليكم ثلث القرآن اعملوا حشد عام للامة كلها. احشدوا الرجال والنساء والاطفال. احشدوا انا عايذكُم تبقوا حشود عشان هقرا - [00:01:51](#)

عليكم ثلث القرآن. فلما احتشد المسلمون قرأ النبي صلى الله عليه وسلم عليهم قل هو الله احد. يعني السورة دي السورة دي عايزة الامة تحتشد وتبدأ تتدبر فيها. وتسمعها على مكث. السورة دي سطر ولكن ممكن يغير حياتك كلها. من الجذور. هو - [00:02:11](#)

سورة الاخلاص. لانها سورة بتعلمك ازاى تبقى ملكية خالصة لله. ازاى يبقى الحب في قلبك خالص له لوحده؟ ازاى تبقى التعظيم في قلبك خالص فيه لوحده. ازاى يبقى مشاعر قلبك خالصة لله. احنا كلنا موحدين يا جماعة سورة الاخلاص بتكلم نوعين - [00:02:31](#)

سورة الاخلاص دي في سطر واحد كلمت كل اديان الباطل. قل هو الله بتكلم اللي مش مؤمن بوجود الله اصلا. اللي باصص للشمس وما هوش رابط بينها وبين اله خلقها. اللي بيصص للقمر ومش رابط بينه وبين اله خلقه. اللي قاعد يدرس المجرات والفلك ومش رابط بينها وبين اللي لا - [00:02:51](#)

اللي خلقها. اللي يعني بيخلف اولاد ومش رابط ما بين الذرية والذكر والانثى والنمو. وبين الاله اللي خلقهم هو الله. بيكلم واحد ملحد بتقول له فق اربط اوصل ما بين المخلوق وما بين الخالق. احد بتكلم المشرك بتكلم انسان مشرك بتكلم واحد - [00:03:11](#)

الدنيا عنده هو مش فاهم ان ربنا هو الكل في الكل. مش فاهم ان ربنا هو الاله الوحيد لهذا الكون. والمصدر الوحيد للامر والنهي في هذا الكون الله الصمد. بيكلم انسان تايه. لما بيبقى حزين او مهموم او فيه جبال من الهموم. او ازمات مادية خانقة مش عارف يروح فين - [00:03:31](#)

مش عارف يخبط على باب مين مش عارف وجهته ايه. مش عارف يقصد مين. مش عارف يعمل ايه عشان يتخلص من جبال الهموم اللي هيجمع اللي لم يلد ولم يولد بالكلام النصارى. بيكلم اللي تخيلوا بقى ان ربنا خرج من حاجة ولا فيه حاجة خرجت منه ولا الصورة دي يا جماعة في سطر واحد كلمت كل - [00:03:51](#)

الاديان الباطل. في سطر واحد حررتك من كل الملل الباطلة على وجه الارض. في سطر واحد خلت قلبك ملكية خالصة لله لا ما فيش

فيه غير ربنا بالتصور الصحيح السليم عند ربنا. سبحانه وتعالى. وعرفتكم صحت الوجهة بتاعتك وصحت - 00:04:11
بتاعك مش بس صحت التصور بتاعك عن الله. عشان كده الصورة اسمها اسم جبار. كان ممكن يبقى اسمها سورة التوحيد. خلاص
بعد ياد انت بقيت موحد لأ دي اسمها سورة الاخلاص. ما هو فيه واحد يعني هو اصلا مش مؤمن بوجود ربنا. او واحد آآ يعني آآ مشترك
بربنا - 00:04:31

والعياذ بالله اه ربنا بس بيعبد اه اه قبر من القبور. ربنا واحد بس بيعبد وسد. ربنا واحد. بس بيعبد بقرة. انما فيه واحد ثاني هو موحد
ولكن التوحيد ما اداش الى اخلاص عملي في حياته. ما بقاش ملكية خالصة لله. جوازه مش لله. انجابه - 00:04:51
الزربة مش لله. دخوله كلية وطلبه له شهادة مش لله. تحضيره ماجستير ودكتوراه مش لله. طلبه للرزق مش لله بيتكلم مش بيتكلم
لله. لما بيغضب مش بيغضب لله. لما يبحب مش يبحب لله. لما بيكره ويبغادي مش بيكره ويبغادي لله - 00:05:11
فبتقول لك لأ بقى تعالى ده عشان كده الصورة دي بتكلم نوعين من الضلال او نوعين من التوهان. الضلال عن التوحيد اصلا وعن ربنا
سواء في شرك او في الحاد او في ربوبية او في اديان محرفة باطلة. والممل على الارض ما فيش اكرت منها. وبيكلم واحد ثاني هو
موحد - 00:05:31

ولكن هو مش مخلص. التوحيد ما اثمرش في حياته. عشان كده سورة الاخلاص فيها اسمين من اسماء الله لم يذكروا الا فيها. سورة
لم اسمين من اسماء الله الا في هباس حصريا في سورة الاخلاص. اسم الله الاحد واسم الله الصمد. لم يذكروا في القرآن الاحد -
00:05:51

مرة واحدة في سورة الاخلاص والصمد الا مرة واحدة في سورة الاخلاص بس اللي مش هيفهم الاسمين دول هنا مش هيفهمهم انك
كان ثاني ، واللي مش شايفها بالاسمين دول مش هيعرف يحقق الاخلاص. لان الاسمين دول علم عليهم ان هذه السورة اسمها سورة
الاخلاص بلال بن رباح رضي الله عنه - 00:06:11

ما يرضاش في المرحلة الجهرية كان المشركين بياخدوه الساعة اتناشر الضهر في الصحراء. الساعة اتناشر الضهر دي اللي ما سافرش
عمرة وراح يصلي الضهر في الحرم المكي متأخر مش هيفهم يعني ايه الساعة اتناشر الضهر في مكة. لما كنا مسلا ننزل من الفندق
متأخرين والفندق - 00:06:31

عن الحرم المكي فانت بقى ايه مسلا نزلت مرة على اذان الضهر فانت لما وصلت كان خلاص الاقامة اقامت. وانت قريب من الحرم
مسلا بمية متر فيفضلوا لحد يجي كيلو بعد الحرم بيصلوا جماعة. الناس كلها اللي بتلحق بتصلي في مكانها بقى. بتصلي جماعة.
فانت بتضطر احيانا تصلي على الاسفلت. احيانا - 00:06:51

انت مش واخذ بالك انك انت مش عايز تجنن صلاة تصلي على السؤال. انت وشك بيتحرق انت كده كده اصلا هناك حر الشمس في
الهواء بيحرق وش اللي وقت الضهر الا ان يشاء الله. انت جبهتك بتتحرق من النار بتاعة الارض. عشان كده الصحابة لما كانوا بيصلوا
الضهر مع النبي عليه الصلاة - 00:07:11

سلام بس في المدينة فبيقولوا شكونا الى رسول الله حرى الرمضاء في جباهنا واكفنا يا رسول الله. احنا لما لان المسجد النبوي ما
كانش زيه مسجدنا فما فيش سجاد ومكند على طول بيسجدوا على الارض. فسجد رسول الله على ماء وطين. يعني لما الدنيا كانت
تشتي كانت الوشوش كلها بتسجد - 00:07:31

في المية والطين ده دي في بداية الاسلام. فبيقولوا يا رسول الله شكونا الى رسول الله حرر رمضاء في جباهنا واكفنا يا رسول الله.
ايدنا حرق ووشنا بيتحرق واحنا ساجدين وراك في صلاة الضهر. اخر صلاة الضهر شوية. خلي صلاة الضهر بدل ما هي الساعة اتناشر
الضهر. خليها الساعة اتنين - 00:07:51

يعني ابرد بالصلاة يا رسول الله فلم يشكنا. الرسول عليه الصلاة والسلام في الاول ما رضاش. انه يبرد بصلاة الظهر. عليه الصلاة
والسلام. يعني اخرها شوية لحد ما النار بتاعة الارض تهدا. النار دي بقى كانوا بياخدوا سيدنا بلال ويكشفوا ظهره وينيموه ظهره
عاري على النار داهيه. وبعد كده - 00:08:11

صخرة صخرة بقى مش حنة طوبة لأ حاجة يعني ميت كيلو حاجة حاجة محترمة كده من اللي هي تخلي الواحد مش عارف ياخذ نفسه ويحطها على صدره فيبقى مولع من ضهره ومولع من صدره ويقعدوا يعذبوه. بلال ابن رباح بقى كان بيواجه التعذيب ده كان سيدنا بلال - 00:08:31

رجليه في فرس في النار ديت في الارض بتاعة الصحرا المولعة دي. وواحد يركب الفرس ويجري. فيبدأ رجله على الابه؟ على النار دي تبدأ اتسلخ على النار. سيدنا بلال بقى قصاد التعذيب ده بقى. ها عشان كده سيدنا بلال لما قابل امية بن خلف في غزوة بدر قال له امية بن خلف ده اللي كان بيعزبه - 00:08:51

لا نجوت ان نجا. سيدنا عبدالرحمن بن عوف كان صاحب امية بن خلف. عبدالرحمن بن عوف رمى نفسه على امية يعني طرة امية بن خلف بجسمه عشان يمنع بلال انه يقتله. وقال اسيري. انا انا انا اللي هدفك الدية الفدية بتاعته. بلال بن خلف قال لا - 00:09:11
فشوت ان نجا. دخل السيف من تحت سيدنا عبدالرحمن بن عوف وقتل امية بن خلف. ده كان ده كان بيسلخني في حر الشمس. ده كان افرمي في حر الشمس هو كان عنده رحمة لا نجوته ان نجا. فبلال وهو بيتعزب بقى في مكة كان بيقول ايه؟ كان يقول احد - 00:09:31

احد الكلمة دي الكلمة اللي احنا ياما سمعناها. وياما عدت على قلوبنا الله احد. اه قل هو الله. الكلمة دي خلت سيدنا بلال يستحمل تعذيب جبار. خلى سيدنا بلال يستحمل زروف ما فيش بضع بشر يقدر يستحملها. ما فيش بشر يقدر ان هو يتحمل هذا التعذيب. سيدنا - 00:09:51

بلال كان يقول احد احد شعار المسلمين في غزوة بدر كان احد احد. يعني المفروض ان اسم الله الاحد ده شعار لحياتك. هو يعني ايه الاحد بالتعبير العامي كده بالتعبير بتاع الشارع كده. يعني الكل في الكل. الكل في الكل يعني في العلم - 00:10:11
في الكل. في القدرة الكل في الكل. في القوة الكل في الكل. في الغنى الكل في الكل. في الرحمة الكل في الكل. كل احتياجات هو كل حاجة فيها امال من سوى الله بك زيرو. زيرو ما فيش. عشان كده اسم الله الاحد غير اسم الله الواحد. فيه فرق - 00:10:31
الاحد وبين الواحد. الواحد يعني عارف اما اقول لك آ آ آ انا كلمتي واحدة. ما بغيرش كلمتي. ربنا واحد. ربنا ما بيتغيرش ربنا ما بغيرش كلامه. ربنا مش بالليل آ بيقول لك ادعوني استجب لكم وبالنهار آ في واحد بالليل بوش وبالنهار بوش - 00:10:51
آ مزاجه بالليل حلو يطلع النهار يسبح آ ويبقى بمزاج وحش ثاني ربنا واحد. واحد في كلمته واحد في سننه وواحد ربنا واحد. عشان كده اسم الله الواحد ده اللي هو ما فيش شريك بقى. ده اسم بيكلم المشركين. ما فيش شريك اصلا. هو - 00:11:11
اللي بيحكم الكون هو الوحيد اللي خلق. فاسم الله الواحد ده الكون كله بيدك على انه هو واحد فعلا. هو الكون كله علميا واحد. كل المخلوقات اللي في الدنيا كل المخلوقات اللي في الدنيا التركيب بتاعها واحد. كلها فيها جهاز تنفسي. كلها من النملة للفيل - 00:11:31

كلها فيها جهاز دوري كلها فيها جهاز عصبي. كلها فيها وسيلة من وسائل الابصار. كلها فيها وسيلة من وسائل التواصل والسمع. كلها فيها جهاز حركي كل المخلوقات بلا حتى الخلية وحته الخلية الاميبة. كل المخلوقات خطتها واحدة. تركيبها طب كل المخلوقات - 00:11:51

طريقة تكاثرها واحدة. كلها والله خلق كل دابة من ماء كل كل اللي بيدب على الارض بجمال من ماء من ماء اللي هو ماء المني اللي هو سائل الحياة يعني - 00:12:11

اللي هو التلقيح يعني. يعني كل الدواب. طب جميع الحيوانات اللي على الارض الخلية الحيوانية بتاعة الاسد وبتاعة الفيل وبتاعة زرافة وبتاعة البني ادم الخلية الحيوانية واحدة. كل الحيوانات هي خلية مهما كان الشكل مختلف. طب كل النباتات الخلية - 00:12:21

تركيبها واحد. الكل نفس السنة اللي بتجري عليه هو واحد. هو واحد. نفس تركيب المجرة هو نفس تركيب الزرة يعني اللي خلق المية وستين مليار سنة مجرات في الفلك هو اللي خلق الزرات اللي بيتكون منها المنبر والميكروفون والحيطة والساعة - 00:12:41

مروحة هو خالق المجارات هو خالق الزرات. التركيب العميق لكل مكونات الكون واحد. الفتونات. الفتونات اللي هو النور الكون كله كله جاي من الفتونات. التركيب العميق العميق لكل مكونات الكون واحد. مية نجوم بحار سدن بني ادمين - [00:13:01](#) حيوانات نباتات في الاخر فتونات هو التركيب واحد. فاسم الله الواحد ده اسم مهيم على الكون. اسم مهيم هو ما فيش غيره اصلا سبحانه وتعالى فتلاقي السنة واحدة. السنة حتى سنن القوانين مش بس سنن الخلق. سنن القوانين. يعني الكون كله فيه موت. البني ادم بيعيش ويموت - [00:13:21](#)

اه والحيوانات بتعيش وتموت. والنباتات بتموت. والنخل بيموت. اه انما في حاجات النجوم. النجوم بتموت. النجوم بتموت؟ اه. طب البني ادم لما بيموت بيدفن في التراب في المقابر. في مقابر في السماوات اللي هي السقوب السوداء. بيسمعوا العلماء مقابر السماء. آآ طب هو البني ادم بيبقى شاب وبعد كده بيتولد - [00:13:41](#)

وبعد كده يعني في ولادة في ولادة في النجوم وفي ولادة في النباتات وفي ولادة في الحيوانات. والنجوم بتتولد في مستشفيات الولادة بتاعة السماوات اللي هي السدم سماوية. دي مستشفيات الولادة. طب والنجوم بتبقى شباب بتبقى شباب وبعد كده تعجز. وبعد كده تموت ولما تموت تبقى سقوب سوداء. وتبقى مقابر - [00:14:01](#)

وتبدأ تموت غيرها. وتبدأ تموت اللي حوالها. هي نفس السنن. هو نفس السنن اللي فوق هي السنن اللي تحت. الكون كله واحد. الكون كله ماشي بنفس السنن. سنة الجازبية في الارض هي سنة الجازبية في المجرات اللي على بعد مية مليار سنة ضوئية مننا. احنا مش عندنا قوانين جازبية - [00:14:21](#)

عندهم قوانين جازبية. مش عندنا قوانين كهرومغناطيسية وعندهم قوانين كهرومغناطيسية. مش عندنا سابت بلانك وبعد مية واربعين مليار سنة ضوئية. سابت بلانك بيتغير. جميع القوانين والسنن والمعادلات واحدة. واحدة. ربنا بيبقى الله واحد. سبحانه وتعالى. ربنا واحد - [00:14:41](#)

لان الكون كله ماشي بسنن واحدة والمخلوقات كلها ماشية بسنن واحدة وما فيش حاجة يتهاك انها مش مهمة. يا ريت مرة كلمة لا اينشتاين كده كلمة غريبة يقول لك لو النحل مات البني ادم ما يعيش على وجه الارض تقريبا ثلاث شهور ويموت البني ادم. طب يعني النحلة - [00:15:01](#)

فحسيت انها كلمة مأفورة يعني. ايه النحلة؟ فاكشفت ان العلماء بيقولوا ان تلقيح النباتات في الدنيا. النحل بيمسك نسبة جبارة فيها. فالنحل ما تعتقدش انها بتديك العسل. ده النحلة بتعمل لك ما هو اخطر من العسل مليار مرة. النحلة هي سبب استمرار الحياة النباتية على وجه الارض. فلو ما فيش نحل - [00:15:21](#)

ما فيش تلقيح البني ادم يموت. لان ما فيش نباتات يعني ما فيش اكسجين. ما هو انت الوقتي لما كان ادم وحول واحداهم على وجه الارض كان الاكسجين واحد وعشرين في المية - [00:15:41](#)

طب الوقت اللي ما بقينا سبعة مليار بني ادم ومش انت بس اللي زدت الحيوانات كلها زادت. كله بقى مليارات يعني مش انت الوحيد اللي اتمليرت يعني. كله اتمليز لما زادت برضه واحد وعشرين في المية ، طب ازاى بقى ؟ لانك انت بتدي لساني اكسيد الكربون النبات ياخده يديك الاكسجين. التكامل ده مين اللي - [00:15:51](#)

سبها كده. مين اللي مين اللي عمل الكنترول بان البتاعة الكون بالتحكم المزل. والتكامل الدقيق ما فيش حاجة ما لهاش قيمة النحلة دي من غيرها تموت. اوعى تفتكر ان فيه كائن كده يعني ما هو ما لوش قيمة في الحياة. اي كائن ربنا خلقه فيه نفع - [00:16:11](#) عظيم لك في حياتك. عشان كده علماء الفلك لحد قريب كان يقول لك ان المية وستين مليار سنة ضوئية بتتوع الكون المرئي ده. قال لك دول يعني ايه؟ يعني ده استعراض مسلا يعني يعني ربنا هو بيخلق الكون فيقول لك شف الابهار بقى. شف القدرة قال لك لا ده انت بيتيهيا لك. قال لك ده لولا - [00:16:31](#)

حجم الكون بالمنزر ده مستحيل كان يبقى فيه غلاف جوي على وجه الارض. لولا ده انا قاريها لواحد من اكبر علماء الفيزيا في العالم. في كتاب من الكتب ترجمة قال لولا ان الكون حجمه مية وستين مليار سنة ضوئية مستحيل كان يبقى موجود بني ادم وفيه هوا

وفيه مية - 00:16:51

قال لك حجم الكون ده مش حجم حاجة كده وخلاص. ده ده اساسي. عشان بقوانين الفيزيا المكان ده يبقى فيه حياة. والمكان ده فانت انت ما انتش متخيل ما فيش حاجة في الدنيا مش مهمة. احيانا تشوف كده وانت في المحيطات ولا بتتفرج على اي فيلم في المحيطات تلاقي الماية مخضرة - 00:17:11

درة ليه؟ اللي هو البلانكتون ده اللي هو اللي هو لما حللوا جسة فرعون آآ يعني بعض الفراعنة فقال لك ده اللي مات غريق ليه؟ لقوا المادة دي ها هو بالحها وهو بيموت فلقوا المادة دي في جسمه. قال لك يبقى امر انبطاح الثاني ده هو الايه؟ هو الفرعون بتاع الخروج اللي هو ربنا شق البحر الاحمر - 00:17:31

انطبقوا عليه. فالمادة الخضراء دي المادة الخضراء دي اللي في المحيطات اللي هي شوية النباتات الخضراء بنسميها نيرين مسلا لما بتنمو على حاجة بسيطة جدا. قال لك حوالي ستين في المية من اكسجين الارض بسبب شوية الطفيليات الخضراء الصغيرة ديت. دي اللي بتطلع - 00:17:51

مش نباتات الشجر اللي في الشوارع. وغابات الامازون وغابات الاستوائية. قال لك البتاعات الخضراء الصغيرة دي اعدادها مهولة بتطلع حوالي ستين في المية من الاكسجين اكسجين الدنيا. انت عايش وما انتش دار هي مترتبة ازاى. انت متهيأ لك ان انت اللي وراك اني هجيب لقمة عيشي منين؟ يا غلبان - 00:18:11

ده انت ربنا مرتب لك ترتيب! ده انت ربنا مستفها لك تستيفة! ده انت مش متخيل مليارات! السنن اللي قدم عليك ومخلية حياتك مرتاحة وانت فاكر هجيب لقمة العيش منين ده عمل لك مزهلات وجاي تستصعب انه - 00:18:31

حتة لقمة عيش ده قالب لك الكون كله عشان مصلحتك. النفس اللي انت بتاخده ده مليارات العمليات عشان تعرف تاخده. ونباتات بتطلع وحاجات بتاخذ اكسجين ونباتات خضراء في المحيطات بتطلع اكسجين. وغلاف جوي بارتفاع معين. وطبقات عشان ونسبة جازبية عشان ما تتخنقش وتتشد - 00:18:51

عشان في الاخر تعرف تاخذ نفسك. اللي يرتب لك النفس بالمنزر ده. لما كنت بتدبر في قول الله سبحانه وتعالى كنت ايامها يعني بمتحن في امراض الكلى في الجامعة يعني وقفت قدام قول الله وانا بقراه فورب السماوات والارض انه لحق. مسل ما انكم تنطقون - 00:19:11

فقلت يعني ايه مسل ما انكم تنطقون؟ فبدأت ادخل بقى على مراجع طبية ادور على عملية النطق في الطب دي شكلها ايه؟ لقيت ان عملية النطق دي احنا قاعدين - 00:19:31

نقرا الاية ونعدي كده. فورب السماوات والارض انه لحق. رغيغ عيشك ربنا قادر انه يجيبه لك. مشكلتك المادية ربنا قادر انه يفرجها لك ازمك النفسية ربنا قادر انه يحلها لك. ابنك الضلل اللي مقطعلك لطمك ربنا قادر انه يهدي قلبه - 00:19:41

طول ما مراتك المتمردة عليك ربنا قادر انه يصلح حالك. الدنيا المقفلة في ابواب الرزق. ربنا قادر يفتحها في وجهك. فورب السماوات والارض انه لحق قدرة الله على الفرج وقدرة الله على الرزق قدرة الله على الشفاء. فربنا بيقول ايه؟ مسل ما انكم تنطقون. عايز

تعرف انا اقدر ولا ما اقدرش - 00:20:01

بص لعملية النطق بتاعتك. عايز تعرف انا اقدر ارزقك ولا لا. انا اقدر افرجها عليك ولا لا؟ انا اقدر افتحها في وشك ولا لا؟ انا اسعدك دنيا واخرة ولا لا؟ بص لعملية النطق بتاعتك. دورت في عملية النطق لقيتها اصعب عملية بتتم في جسم الانسان. عملية النطق دي -

00:20:21

المراكز في المخ بيشتروكوا فيها المخ انا وانا بكلمك دلوقتي انا قلت كم حرف. مش انا قلت كم كلمة. الحروف بتتولد في الدماغ. يعني المخ بياخد اوردر ان هو ينطق قل هو الله احد. المخ بينتجها في مراكز المخ كاف لام لام مشددة - 00:20:41

هيه واو المخ بينتج حروف وبعد كده في مراكز تانية بتاخذ الحروف دي وتركبها كلمات وبعد كده في مراكز تانية بتاخذ الكلمات دي والترجمها المعاني. عشان وانا باقول لك احد تلاقي انت قلبك او قلبي. اه الملكوت اللي ربط ما بين احد وما بين صور في الطبيعة -

بعد مراكز مخ تالته وبعد كده ده ده قصص قصص جوة دماغك. وبعد كده بقى يصدر الاوامر للسان. اللسان ده تمتاشر عضلة جواه العضلة عشان تتحرك آآ لها حاجة ماسكة فيها. عضلات اللسان واللسان مش لوحده اللسان لو اتحرك كده مش هيطلع - 00:21:21 الكلام ده فيه احبال صوتية. ففي نفس داخل النفس الداخل بيغزي جسمك بالاكسجين عشان ما تموتش. طب النفس وهو خارج؟ ييحرك الاعمال الصوتية عشان تنهز واهتزازات الاحبال الصوتية. مع اهتزازات عضلات الزور. مع حركات عضلات اللسان. مع حركات -

الشفاف تحت ادارة عشرات مراكز المخ مع تظبيطة كمية النفس اللي خارج من الرئة بناء على الحجاب الحاجز على عضلات الصدر الخارجية في النهاية حضرتك بتنطق وانت قاعد نايم على السرير كده يا بنتي هاتي لي كوباية ماية - 00:22:01 اصل انا عطشان. انت مش واخد بالك ان يا بنتي هاتي لي كوباية ماية دي معجزة. مزهلة جسمك كله بيتحرك مخك وعمليات مذهلة بتم جواك. وانت مش واخد بالك. يا بنتي انا عطشان. يا جماعة انا مكتئب. يا اخواننا اصل انتم مش مقدرين انا مضغوط قد ايه يا ابني - 00:22:21

الجملة اللي انت نطقها دي انت لو عرفت ربنا اداك نعم قد ايه عشان تنطقها. انت هتسجد شاكر لله. سبحانه وتعالى. ربنا سبحانه وتعالى تلاقي سبب السعادة. معرفة الله هي سبب انك انت تفهم مين اللي يستاهل جهذك؟ ومين اللي يستاهل تعبك؟ ومين اللي يستاهل انك انت تسترضى - 00:22:41

فربنا بيقول لك شف النطق بتاعك معجزة ازاى؟ مش ممكن. مين اللي يقدر ينطقك اصلا؟ هات قرد واقعد دربه لبعد بكرة هيعرف ينطق؟ هات زرافة معلمها انها تضحك وتتبسط كده اما تسمع نكتة تعرف هات آآ فيل وعلمه انه يغمز لك كده واياه اية التعبير الوش علم تعبير الوش ده - 00:23:01

مزهل. خليه كده يايه يغمز لك ولا يكشر ولا يبص لبعيد ويبرق. يا ابني انت معجزة متحركة على وجه الارض. ربنا ملاك اياته وربنا ميزك. ربنا فين في حياتك بقى؟ فدي سورة الاخلاص. اخلص له بقى. اخلص له. فسطر واحد ربنا رد به على اديان الباطل اللي في - 00:23:21

الدنيا كلها سطر واحد بس. سطر واحد ربنا سبحانه وتعالى ذكر فيه كمية من الاسماء الحسنى كافية لتغيير حياتك. السورة دي النبي عليه الصلاة والسلام الصحابة جولوا وقالوا له فيه واحد آآ من الصحابة كل ما يصلي يقرأ قل هو الله احد. في الركعة الاولى قل هو الله احد. في الركعة الثانية قل هو الله احد. في الفجر - 00:23:41

قل هو الله احد في الظهر قل هو الله احد. في العصر قل هو الله احد. بيصلوا قيام ليل يقوم مصلي بصورة طويلة وبعد كده قل هو الله احد. وبعد كده الركعة الثانية قل هو الله ايه يا عم فيه ايه - 00:24:01 فالنبي عليه الصلاة والسلام قال له ما حملك على هذا؟ قال آآ انها صفة ربي. تتكلم عن الله يا رسول الله؟ دايق. واحد عايش. واحد مش معدي كده وخلاص. واحد - 00:24:11

الالفاظ عايش مع الكلمة. واني احبها لانها صفة ربي. النبي عليه الصلاة والسلام قال له ايه؟ قال له اخبروه ان الله يحب بحبه اياها. يعني السطر ده ممكن تفوز به باعلى نشان في العالم. حب الله. وفي رواية اخرى وقد - 00:24:21

صحابي اخر كما قال بعض اهل العلم حبك اياها ادخلك الجنة. سطر واحد لو عرفت تحبه وعرفت تعيش معه انت من اهل الجنة عايز تاخذ سواب ختم المصحف في دقيقة اقرا السطر ده ثلاث مرات. قرآن. طب ليه ليه تعدل ثلث القرآن - 00:24:41

عشان اللي احنا بنقله ده لان هي بتقيك من الشكوك في وجود الله. بتحملك من الشكوك في وحدانية الله والشركيات. بتحملك من الاديان الباطلة المحرفة زي النصرى وغيرها. بتحملك بتحملك. بتخليك ملكية خالصة لله. بتحطك قدام اسماء حسنى ربنا بيصنع بها سعادتك في الحياة - 00:25:01

وبيحدد بها وجهتك في الحياة فعشان كده ثلث القرآن احد الصحابة النبي عليه الصلاة والسلام لقاه رافع ايده كده الصحابي رافع ايده

وبيقول اللهم اني اسألك بانني اشهد اشهد كاني شايف بعيني الايمان عايز شهادة شهادة ان لا اله الا الله انا مش بتكلم غيبي ده انا يا رب عندي يقين لو - [00:25:21](#)

الحجب ما ازددت يقينا. ده اليقين اللي مطلوب منك. اللهم اني اسألك بانني اشهد انك انت الله الذي لا اله الا هو الاحد الصمد الذي لم يلد ولم يولد ولم يكن له كفوا احد. ان تعطيني كذا. النبي - [00:25:41](#)

قام قال له ايه ؟ هو دعا ربنا بسورة الاخلاص ؟ قال له لقد سألت الله باسم الله الاعظم الذي اذا دعي به اجاب اذا سئل به اعطى. دعي يعني استدعي. يعني الحقني يا رب انا في مصيبة. انت ماشي في الشارع طلع عليك اتنين بلطجية بسكاكين. يا - [00:26:01](#)
يا ابراهيم بتستدعي اصحابك الاقويا في الحتة عشان يبجوا يدافعوا عنك. فالدعاء اي استدعاء الله انجدي يا رب انا فرطها. الحقني يا رب يبقى ده الاستدعاء. اذا دعي به اجاب. واذا سئل به انا يا رب عايز فلوس. انا يا رب عايز اتجوز. انا يا رب عايز شقة. انا يا رب عايز آآ صح - [00:26:21](#)

انا يا رب اسألك العفو والعافية. انا يا رب واذا سئل به اعطى. ايه اسم الله الاعظم ؟ البعض قال اسم الله. والبعض قال الصمد. والبعض سأل الاحد والبعض قال القيوم والبعض قال الرحمن والبعض قال بديع السماوات والارض والبعض قال المنان والبعض والبعض قال اسم الله الاعظم. هو - [00:26:41](#)

اعظم اسم في صدرك في هذه اللحظة. يعني انت الوقتي ايه الاسم اللي قلبك عايش معه. ممكن مسلا يجي لك يومين القيوم القيوم ده هزك من جوة فعلا. فعلا انت من جوة متزلزل كده وحاسس ان الكون ده كله قايم بالله ولولا ربنا كان حياتنا انهارت. وكان جالنا انهيار - [00:27:01](#)

وكان الكون انهيار والقيوم. القيوم الوقتي ده اسم الله الاعظم بالنسبة لك. احيانا الصمد. الصمد هو ده الاسم اللي مالي قلبك. نصمدي في الحوائج الكبير بتاع الكون كله. هو ده الوقتي عشان كده تلاقي نفسك احيانا. تدعي ربنا باسم معين من اسماء الله الحسنى - [00:27:21](#)

تلاقي الاجابة فورية. تيجي تدعي بعد فترة ما تلاقيش الاجابة زي قبل كده ليه ؟ لان الاسم ده كان في قلبك في اللحظة الاولانية كان كبير اوي. كان اعظم اسم في قلبك. الوقتي انت بقيت عايش مع اسم ثاني او عندك فتور في الاحساس بهذا الاسم. ده انا فقير اسم الله الغني. يعني انا ضعيف مستضعف - [00:27:41](#)

الله القوي. يعني انا في عزاب والام اسم الله الرحمن الرحيم. يعني من الاخر سورة الاخلاص فيها اسم الله العظيم يعني سورة الاخلاص بطولة القرآن. سورة الاخلاص طريق للجنة. سورة الاخلاص طريق لحب الله. سورة الاخلاص فيها اسم الله الاعظم - [00:28:01](#)

يعني سورة الاخلاص مخلصه لك الموضوع مجرد انك تدعي ربنا في كل دعاء بسورة الاخلاص واطلب اللي انت عايزه لقد سألت الله باسمه الاعظم الذي اذا دعي به في اجاب واذا سئل به اعطى هو فيه اجاب واعطى ؟ اه فيه اجاب وامال انا حياتي نكد ليه ؟ ما تشوف بقى نفسك. اتعب بقى مع - [00:28:21](#)

شوية خلي فيه جهد كده بينك وبين الله سبحانه وتعالى. هو يقول لك استخلاص الذهب من المناجم هو استخلاص الذهب ده لعبة ؟ لأ طبعا اما يبقى ذهب خالص بعد ما كان شوية صخور متخلطة ببعض. الاستخلاص ده عملية صعبة. كذلك استخلاص الايمان في القلب - [00:28:41](#)

شوائب الشبهات والشهوات يحتاج الى مجاهدة. بس لما بتصفى بقى من صفى صفى له. عايز رب ربنا يصفى لك صفى قلبك من جوة لربنا سبحانه وتعالى. قل هو الله احد. قل العقيدة ما ينفعش - [00:29:01](#)

ما ينفعش انك انت تبقى عايش كده ايه آآ قل الدنيا كلها محتاجة المعاني دي. وانت محتاج انك تتكلم عن ربنا. اللي ما بيتكلمش عن ربنا ده قلبه بيصدي في الاخر. اوعى تفتكر ان الدعوة الى الله دي آآ حاجة آآ يعني ايه الدعوة الى الله دي بتاعة الدعاء وبتاعة الدعوة الى الله دي - [00:29:21](#)

انت لو كان احد اخواني يقول لي انا لما بالاقى قلبي قاسي بانزل الف على عشرين محل في الحطة اكلهم عن ربنا. ليه؟ الكلام عن لا يبجلي القلب وما فيش لحظة ربنا هيحك في حياتك زي لحظة وانت بتتكلم عن الله. قل قل ايه؟ هو الله. هو الله. هو ده بيسموها - 00:29:41

ضمير الشأن. يعني ايه ضمير الشأن؟ يعني اما مسلا واحد تعبان واحد مسلا عنده مرض معين. اقول له بص هو الدكتور فلان الفلاني يعني ايه؟ يا مولانا ما فيش بعده ولا قبله هو ده. هو ده الوحيد اللي هيعرف يعالجك باذن الله. هو الدكتور ده - 00:30:01
عليك وعليه. فهي دي بقى يعني ايه؟ هو الله. ما فيش غيره. يبقى كلمة هو الله دي تصحيح وجهة تصحيح انا واحد في ازمة هو ربنا. ما فيش حد هيرحمك غيره. ولا حد هيسمعك غيره. ولا حد هيتحنن عليك - 00:30:21

ولا حد يأويك غيره ولا حد هيديك غيره. هو ربنا هو الله. فما تقعدش تتعب عمرك. ما تحرقش بنزين في الفاضي بقى ما تقعدش تضيع اعمار. يا عم كله خيالات مآة كله هيخذلك في الاخر. وكله يعني وكله هيبيعك في الاخر. يا اما - 00:30:41
هيبيعك لانه ندل يا اما هيبيعك لان العين بصيرة والايدي بصيرة. انا اعمل ايه؟ مش قادر ان انا اعمل لك حاجة. قل هو الله. تصحيح وجهة وتصحيح مقصد هو الله تصحيح نسبة. هو الله. لما تبص في الشمس هو الله. ما هي كلمة هو الله دي اتختم بها القرآن. بعد - 00:31:01

كل افعال الله المنزلة في القرآن. وعجائب خلق الله في السماوات والارض في القرآن. وعجائب عطاءات الله للانبيا في القرآن حفز الله للاولياء في القرآن في الاخر هو الله. كل اللي عمل ده هو ربنا. ما تتوهش بقى - 00:31:21
ما تتوهش حياتك بقى هو الله. بتصحح مسارك في الحياة. وفر طاقتك. ما تقعدش تحرق بنزين بقى على ابواب المخلوق. هو الله احد. يعني في احد بالعامية كده يعني الكل في الكل. امال ايه الفرق بين الواحد والاحد في الخطبة الثانية باذن الله؟ اقول قولي هذا واستغفر الله لي - 00:31:41

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله واليك يرجع الامر كله اللهم صل على الحبيب محمد صلى الله عليه وسلم. عدد خلقك ورضا نفسك وزنة عرشك ومداد كلماتك. اما بعد اخواني واحبابي في الله - 00:32:01

قل هو الله احد. ايه الفرق بين الواحد والاحد؟ الواحد دي كلمة اه اه اسبات. الاحد كلمة نفى. الواحد يعني واحد يعني انا بسبت لربنا الوجدانية. يعني ربنا الوحيد اللي في الربوبية والوحيد في اللوهمية ربنا رحيم. امال احد اقول لك ما - 00:32:21
طاري احد يعني نفيت ما فيش جنس مخلوق ببشابه الله. ما لوش زي. رب الاحد يعني مالو ازاى؟ ما فيش جنس مخلوق يجابه الله سبحانه وتعالى. فالواحد انا اثبت لله الوجدانية. الاحد انا انفي عن كل - 00:32:41

كل من سوى الله اي قدرة ولا اي قوة ولا اي هو ربنا هو الكل في الكل. طب ما دام ربنا الكل في الكل بقى انت بتتعامل معه كده ولا احنا بتتعامل مع ربنا غلط؟ الله الصمد. الله الصمد. بعد هو الله احد. هو الله احد يعني ما فيش غيره. ما فيش غيره. ما خلاص هو الله - 00:33:01

ما فيش غيره احد ما فيش غيره خلاص. يبقى معنى ان ما فيش غيره لازم يبقى ما ليش غيره. يبقى الله الصمد الله الصمد اي الذي تصمد اليه في الحوائج. خل عندك صمود وانت واقف على باب. اهرع الى الله سبحانه وتعالى. الله الصمد يعني الوحيد - 00:33:21
هيفيئك الكبير بتاع الكون. الذي تصمد اليه في كل نائبة ونازلة واحتياج. وطلب عطاء. يبقى الاية الاولانية في سورة الاخلاص خلاص ما فيش غيره. الاية الثانية في سورة الاخلاص ما ليش غيره. يبقى الاية الاولى والثانية في الاخلاص بتقول لك من هو الله؟ هو الذي - 00:33:41

ليس هناك سواه. لا مانع لما اعطيت. لا معطي لما منعت. لا شفاء الا شفاؤك. لا حول الا بالله. لا قوة الا بالله. ما فيش غيره. كل الباقي بك زيرو. طب والاية الثالثة والرابعة؟ لم يلد ولم يولد. ولم يكن له كفوا احد. المخلوق بقى. اتكلمنا - 00:34:01
الاولى والثانية عن الخالق. المخلوق بقى لم يلد ولم يولد. اي انه لا يوجد بين اي مخلوق وبين الله نسبة الصلة ولم يكن له كفوا احد.

اي لا يوجد بين اي مخلوق وبين الله نسب صفة في - 00:34:21

نسب لا صلة ولا صفة. ما فيش واحد بينه وبين ربنا نسب قرابة. لم يلد ولم يولد. الله بائن عن خلقه سبحانه وتعالى. يبقى كل اللي هيقول بقى ربنا جه من وربنا كل ده ضلال. والعياذ بالله الله بائن عن خلقه سبحانه وتعالى. يبقى لا يوجد بين احد وبين الله نسبه صلة. طيب - 00:34:41

يمكن ما فيش حد آا قريب لربنا بس فيه حد زي ربنا ولم يكن له كفوا احد. لا يكافئه احد. ما فيش حد فلا يوجد بين احد وبين الله نسبه صفة. يعني من الاخر الاية الثالثة والرابعة عرفتكم حقيقة المخلوق. والاية الاولى والثانية عرفتكم - 00:35:01
من هو الخالق؟ ومن هو الله سبحانه وتعالى؟ فبعد السطر دهو انت بقيت بني ادم تاني انت كمان كنت مليون شوائب قبل سورة الاخلاص بادخال خالص مخلص لله سبحانه وتعالى بعد سورة الاخلاص سورة امتلأت باسماء الله الحسنى. يكفي بس. انكلمنا عن اسم الله الاحد. كلمة سريعة كده بس على قد الخطبة - 00:35:21

كان اسم الله الصمد. اه فيها اسم لسة من الاسماء. اسم الله. الله! اللي كثير من العلماء قالوا ده اسم الله الاعظم. يعني ايه الله؟ قل هو الله. يعني ايه الله - 00:35:41

ففي ناس قالوا الله من الوله. الوله يقول لك ده فلان ده ولهان متيم. من الوله يعني الشوق الرهيب حبي العظيم يقول لك وله الفصل الى امه. الفصل الحصان الصغنن لما يفظموه عن مامته يقوموا يحطوه في - 00:35:51
كان ومامته في مكان فما عدش شافها. وما عدش بيقرب منها. وما عادش بتتحنن عليه. فيقعد يطلع اصوات حنين رهيبة كده في صوت الحصان الصغير يقول لك وله الفصل والهان مشتاق شو رهيب لمامته. ففي ناس قالوا ده من الولا. في ناس قالوا لأ -

00:36:11

كلمة الله من الحيرة في اللغة من الحيرة الذي آآ آآ تحار فيه العقول. يعني يقول لك ايه الحيرة يعني حاجة ما حدش عارف كونها. فيه ناس تالته قالت الله من التأله التعبد والطاعة ويذكر والهتك - 00:36:31

في قراءة ويذكر والهتك. اي وطاعتك والعبودية لك. والخضوع لاوامرك وفرماتك واورداراتك طب التلات معاني دول لما نجمعهم؟ الله هو الذي القلوب هائمة في محبته. والعقول حائرة في جلاله وعظمته. والجوارح منقاد خاضعة في طاعته - 00:36:51
يبقى كلمة الله شملت كل حياتك. يبقى كلمة الله خاطبت نفسك فتيمتها فخاطبت روحك فهيمتها. كلمة ربنا دي الله بتخاطب الروح. وبتخاطب القلب. وبتخاطب الفطرة. وبتخاطب النفس. وبتخاطب تعال وبتخاطب الجسد. كلمة الله دي كل زرة في كيالك عايشة معها. قلبك عايش معها بالوله والشوق. وعقلك عايش معها - 00:37:21

الجلال والحيرة في العظمة. وجسدك عايش معها بالطاعة والخضوع. كلمة الله دي مكونة حياتك. دي الكلمة اللي كل صرف كيالك وروحك ونفسيك وقلبك وفطرتك. ووعيك وعقلك عايشة معها. يعني الله كلمة تملا عليك حياتك - 00:37:51

اه بس مجرد كلمة الله دي كافية انها تملى عليك حياتك. لو عشت مع هذه الكلمة حق الحياة. نسأل الله سبحانه وتعالى اللهم انا بانا نشهد انك انت الله الذي لا اله الا هو الاحد الصمد الاحد الصمد الذي لم يلد ولم يولد - 00:38:11

لم يكن له كفوا احد. ان تغفر لنا ذنوبنا. ان تغفر لنا ذنوبنا. وان تصلح لنا عيوبنا. وان تستر قال لنا عوراتنا وان تؤمن لنا روعاتنا. اللهم انا نسألك العافية في الدنيا والاخرة. اللهم انا نسألك العفو - 00:38:31

ووالعافية في ديننا واهلنا في ديننا ودنيانا واهلنا ومالنا. اللهم استر عوراتنا وامن اوعاتنا. اللهم احفظنا من بين ايدينا ومن خلفنا. وعن ايماننا وعن شمائلنا ومن فوقنا. ونعوذ بعظمتك ان نغتال من تحتنا. نعوذ - 00:38:51

اعوذ بكلمات الله التامات. التي لا يجاوزهن بر ولا فاجر. من شر ما خلق وذراً وبرأ ومن شر ما ينزل من السماء ومن شر ما يعرج فيها. ومن شر ما ذراً في الارض. ومن شر ما يخرج منها. ومن شر فتن الليل - 00:39:11

الليل والنهار ومن شر طوارق الليل والنهار الا طارقا يطرق بخير يا رحمن. يا رحمن يا رحمن. اللهم انا نعوذ بك من شر ما عملنا. ومن شر ما لم نعمل. اللهم اهدنا وسدنا. اللهم ايدنا - 00:39:31

بروح منك. اللهم اجعل لنا ودا. اللهم الهمنا رشدنا واعذنا من شر انفسنا. ربنا اتنا في الدنيا حسنة وفي الآخرة حسنة وقنا عذاب النار.

سبحانك اللهم وبحمدك. اشهد ان لا اله الا انت استغفرک واتوب اليک - 00:39:51